

卷十二

十一朝東華錄詳節

乾隆朝

臣鄒樹庭敬編

李保璋 李 威 恭校

高宗純皇帝

世宗第四子

母孝聖憲皇后

原任四品典儀官加封一等承恩公袁柱之女

上生而神靈天挺奇表規度恢遠巍然拔萃六

歲就傅受書於庶吉士福敏過目成誦課必兼治康熙壬寅年十二謁聖祖於圓明園之鍊月閣雲見即驚愛命

宮中養育備荷 飢顧恩慈親授書課教牘有加偶舉愛蓮說以試誦解融徹獎悅彌至 命學射於貝勒允禧學火

器於莊親王允祿肆輒精能獅子嶺北為 世宗藩邸扈蹕時賜園 聖祖幸園中進膳 特命 孝聖憲皇后率

孝聖憲皇后問安拜觀 天顏喜溢連稱有福之人以 上豫信也木蘭秋獵入永安莽喀圍場 命侍衛引射熊甫

上馬熊突起 上控轡自若 聖祖御槍瑤之事畢入武帳語 溫惠皇貴太妃曰是命貴重福將過予雍正元年次

辛祈穀禮成為 世宗登極初次大祀之典 召 上入養心殿 賜食一轡意已為他日付托之本五年丁未年十

七 賜成大婚禮於西二所踐昨後賜名重華宮者是也八年庚戌彙書閣所製詩文為樂善堂集告成十一年癸丑

春正月封為和碩寶親王每歲 命代祀北郊準噶爾之役兩朝未竟陳師西北兩路 上寶親聆運籌黠苗不靖繼

有兵事 世宗命綜理軍機諮決大計雍正十三年乙卯八月丁亥 世宗不豫時 駕駐圓明園 上孝思純篤與

和親王弘晝朝夕觀視己丑 世宗崩 上趨詣御榻前捧足大慟號哭仆地王大臣哀請恭奉 大行皇帝還宮諸

大臣等欽遵 遺命恭宣 詔旨曰寶親王皇四子 秉性仁慈居心孝友 聖祖仁皇帝於諸孫中最高鍾愛撫養

宮中恩適常格雍正元年八月開朕於乾清宮召諸王滿漢大臣入見面諭以建儲一事親書諭旨加以密封藏於乾

清宮最高處即立為 皇太子之旨也其仍封親王者蓋令備位藩封諳習政事以增識見今既遭大事著繼朕登基

即皇帝位 上恭聽畢感慟號呼良久尋諭奉 大行皇帝遺命著莊親王果親王鄂爾泰張廷玉輔政鄂爾泰因病

解任調理今既輔政著復任安奉 大行皇帝於乾清宮以 遺命尊奉 妃母為 皇太后復奉 皇太后懿旨以

上之元妃為后召朱軾回京 大行皇帝大殮命以乾清宮南廡為倚廬席地寢苦慮 皇太后過哀每日詣乾清

宮東暖閣問安庚寅 上以服制仍遵定例實為不忍諭總理事務王大臣等行三年之喪稍盡思慕之誠天下臣民

仍照定例行諭外省文武大臣等差員齋摺到京者照常啟奏無得沈滯召張照回京以張廣泗總理苗疆事務辛卯諭內監等國家政事毋許妄行傳說外言亦無得傳入內廷犯者正法初 世宗聞外間爐火修煉之說深知其非聊欲試觀其術因將張太虛王定乾等數人置之西苑空閒之地視之與俳優人等且深知其為市井無賴之徒最好造言生事 上令都統莽鵠立傳諭從寬驅逐各回本籍若因內廷行走數年在外交搖煽惑定行拏究正法壬辰命大將軍查郎阿駐肅州與劉於義同掌軍務北路大將軍平郡王福彭堅固防守 上以目前天下緊要之事無有過於西北兩路及苗疆用兵者西北兩路已經降旨其苗疆勦撫賊衆總在領兵將帥合志和衷方為有益因諭王大臣等楊威將軍哈元生副將軍董芳俱受厚恩當此領兵重任自當同心協力兩人合為一人於一切軍務商酌妥協而行奏報軍務情形俱當據實僕稍存意見致有參差地方不即安謐則必按法究治癸巳頒 大行皇帝遺詔以怡親王弘曉年甫十四在內廷行走命派妥善侍衛二員隨護九月丁酉朔日食己亥 上即皇帝位於太和殿以明年為乾隆元年加恩中外罪非常赦所不原者咸赦除之庚子定 大行皇帝聖諱上一字書允字下一字書正字停止各省督撫大臣進獻方物命朱軾協同王大臣總理事務壬寅總理事務王大臣奏孟冬頒朔請易時憲下一字為書字鑄乾隆錢甲辰諭陝甘督撫蘭州平涼諸府州縣收成歉薄宜加意賑恤丙午命公慶往軍營換回平郡王丁未 大行皇帝梓宮安奉 雍和宮奉 皇太后居東配殿 上仍居乾清宮南廡苦次己酉賜莊親王允祿果親王允禮永遠食雙俸鄂爾泰張廷玉世襲一等輕車都尉朱軾世襲騎都尉 因王等總理事務梓宮安奉辛亥諭王大臣等傳諭各省督撫等嗣後凡慶雲嘉穀一切祥瑞之事皆不許陳奏並傳諭將軍提鎮等知之以修理 山陵免京師至易州七州縣乾隆元年額賦癸丑總理事務王大臣等欽遵 皇太后懿旨仰體 上孝思純篤再行詳議禮制謹擬百日內 上服縞素百日外請鬚易素服詣 几筵前仍服縞素詣 皇太后宮及御門涖官聽政咸素服冠綴纓緯升殿受朝不宣表不作樂咸用吉服禮服並一切典禮用禮服二十七月服滿照百日禮致祭畢 上釋服 皇后應遵照 上持服禮制行惟朝夕侍奉 皇太后兼有報祀之禮應於二十七日後在宮中素服一切典禮咸禮服詣 几筵前仍縞素 妃 嬪於二十七日除服後二十七月內咸素服遇典禮用禮服 皇子與諸王百官咸二十七日除服百日難髮外省官員軍民人等俱照定例行奏入 上召總理事務王大臣面傳 皇太后懿旨曰諸王大臣議奏侍

服之禮酌古準今情理允協 上亦以所議甚悉允行乙卯奉 皇太后還宮居景仁宮是日

王果親王等皆 聖祖仁皇帝之子 大行皇帝之弟 上之叔也便殿宴見時常行拜禮 上曰禮以義起古人所

貴朕心所未安之處即禮之所當隨宜斟酌者嗣後如升殿朝賀典禮攸關諸王等仍遵定例行禮若便殿宴見朕親

叔輩均不必叩拜以昭敬長親親之意命廷臣輪班奏事詔大學士以下三品京堂以上平日深知灼見之人不拘品

級資格據實密封奏聞戊午命五城責賑已未諭各省民欠十年以上者已於恩詔內蠲免茲特再行降旨將雍正十

二年以前各省民欠一併寬免其江南積欠內官侵吏蝕二項乃從民欠中分出者亦照民欠例寬免僧人披剃命仍

頒發度牒禁擅造寺觀神祠命清查叢林古剎齋田編入冊籍庚申晉封公允禪為貝勒守護 大行皇帝山陵詔開

鄉會恩科命於乾隆元年八月舉行鄉試乾隆二年二月舉行會試免貴州苗匪擾害州縣本年應徵糧米冬十月丙

寅朔 命副將軍常德赴北路軍營免四川裏塘巴塘土司及西甯番眾土貢一年湖廣添平等所土司改設流官土

百戶各賞千總也以黔省逆苗猖獗特授張廣泗為經略自揚威將軍哈元生副將軍董芳以下俱聽節制調遣壬申免

總職銜永遠承襲以黔省逆苗猖獗特授張廣泗為經略自揚威將軍哈元生副將軍董芳以下俱聽節制調遣壬申免

江南等省漕項蘆課及學租雜稅等銀之密奏也並令嗣後遇有恩詔俱將各項入於豁免之內永著為令建鄂爾坤

城特命八旗都統察舉孝廉方正甲戌雲貴總督尹繼善奏駐防牧樂之普洱府同知應移駐思茅改為思茅同知其

原駐思茅之普洱府通判裁普洱府添設知縣一威遠地方改歸鎮沅府轄其原設撫夷同知改為鎮沅府分防威遠

撫夷同知一切刑名錢穀事務照大關同知之例仍令辦理從之命宗室覺羅因罪革退者子孫分賜紅帶紫帶附載

玉牒丙午命旗務宜遵舊制務從簡易丁丑釋園禁宗室戊寅命恭遇 列祖 列后忌辰均照 陵寢時饗禮己卯

命江蘇開爐鑄錢順天學政錢陳羣奏凡三十歲以內守節婦人後因子貴受封請一體旌表從之命釐正文體母得

避忌總理事務王大臣議准大學士朱軾奏民間田地丈量首報宜一併永遠停止壬午諭嗣後八旗參奏事件俱著

刑部東公審理其八旗內務府高牆不必安設命設張家口至鄂爾坤台站接運軍米甲申停候選舉人進士分部學

習例丙戌命查開國軍功世職准立嗣承襲工部議准閩浙總督郝玉麟奏閩省灘河危險請於建甯府浦城縣至福

州府古田縣水口大灘七十六處河心石塊偏行鑿鑿修築緯道立柱指迷監製官船入隻豫備協救以資利濟從之

己丑晉封公允祁為貝勒追封 孝敬憲皇后曾祖透訥巴圖魯祖布克查父費揚古俱為一等公晉封費揚古之子

東華錄卷之十一 乾隆朝 東文學堂校印

一等侯武格為一等公世襲罔替免雍正十二年以前旗退田畝及入官地畝民欠壬辰停舉人充鄰省鄉試同考官仍以科甲出身之同癸巳以弘春於家庭之間不孝不友辦理旗下事務始則紛更多事後則因循推諉種種不妥深知州縣官入關分校

負 天恩命革去貝子不許出門令宗人府將伊諸弟帶領引見候旨諭傳爾丹岳鍾琪石雲倬馬蘭泰失誤軍機負恩欺罔之罪不可勝數本應即正典刑以彰國法但我 皇考從前未即降旨今朕仰體 皇考遲回降旨之意著將傳爾丹岳鍾琪改為應斬監候秋後處決石雲倬馬蘭泰之罪較傳爾丹岳鍾琪稍輕亦著改為斬監候甲午裁八旗委恭領副佐領等官停部院司員協辦旗務改易州泰寧協為鎮

以 山破重地 馬蘭峪例改十一月丙申朔命纂修 大行皇帝實錄庚子改廣西思恩協為營鎮安營為協士寅吏部等部議准署湖廣總督邁柱奏忠尚宣撫司田光祖十五土司公懇歸流分設一府五縣以資治理請於思恩縣地方建設府治以原設思恩縣為附郭首邑施南司桐子園大田鎮官渡壩四處各設縣治隸新設知府轄新設府及先設之彝陵府歸荊州道統轄其歸荊州道原轄之安陸府改隸襄陽道德安府改隸武漢黃道統轄一府五縣營制汛防應設副將一員馬步守兵千五百五十七名聽彝陵鎮總兵統轄四川夔州府屬建始縣去恩施不過百里改歸新設府轄議定府名曰施南附郭縣曰恩施屬縣曰宣恩來鳳咸豐利川移建始來屬從之乙巳免江南太平府蕪湖縣雜辦江夫河篷錢糧歲徵銀二千三百零四兩永著為例丁未恭上 大行皇帝尊諡曰 敬天昌運建中表正文武英明寬仁信毅大孝至誠憲皇帝 廟號 世宗戊申追封 皇太后曾祖額宜騰祖吳祿俱為一等公父凌柱封為一等公世襲罔替晉封貝勒允禕郡王允禧貝勒允祜允祁之母追封誠親王允祕之母俱為嬪追封皇一兄弘暉皇八兄福慧為親王壬子命慶復為定邊大將軍增設廣西右江鎮遊擊一員免雍正十二年以前兩淮電戶舊欠癸丑嚴禁銷毀制錢中寅免貴州三年內耗羨銀兩丙辰恭上 孝敬憲皇后尊諡曰 孝敬恭和懿順昭惠佐天胡聖憲皇后癸亥賞已革宗室阿其那塞思黑紅帶收入 玉牒甲子諭嗣後三品以上大員身罹罪譴即奉旨革職拿問者法司亦不得遽加三木如有不得不夾訊者亦必請旨永著為例十二月丙寅朔命纂八旗氏族通譜改陝西金塔營遊擊為副將丁卯諭王大臣等前令滿漢文武大臣官員科道等輪班條奏自後不必拘定班次隨將陳奏復設川陝總督裁四川總督丁且命各省酌量常平倉穀戊寅恭上 皇

太后徽號曰 崇慶皇太后改總管內務府大臣內閣學士俱為從二品准內外未補實缺各官恩詔給封吏部議准署湖廣總督邁柱等奏湖南永定九谿二衛經前任巡撫王國棟題請改為安福縣第所徵屯糧疆界不清應請於永定衛添設一縣歸澧州轄其界內之慈利永順桃源桑植四縣攬雜田糧各就附近統歸方圖繪造圖冊送部從之駁名曰甲申諭審案不許株連婦女曾靜張照伏法命歸化城設駐防將軍副都統二員協理己丑朝鮮國餽送使臣白金儀物等項悉按舊例裁減一半永著為令該部即行文該國王遵行命追諡賢良祠入祀諸臣辛卯晉封 孝昭仁皇后外戚二等公訥親為一等公世襲禁各鈔關例外苛取壬辰纂修明史成是歲朝鮮來貢

乾隆元年丙辰春正月戊戌准漢軍兵丁與滿洲蒙古一體挑往莊浪涼州駐防己亥命易州旗營酌穀每歲春散秋還並令盛京一體酌穀備荒癸卯總理事務王大臣議覆直隸總督李衛奏請出蠶省分建先蠶壇臣等案為壇以祀先蠶經傳未聞未便各省城通立應於京師奉祀建祠至期遣禮部堂官一員承祭從之乙巳經畧張廣泗奏貴州逆苗侵擾內地見在分兵三路合力並進上游九股與鷄講首逆各寨分布弁兵四千餘名清江下游各逆寨分布弁兵五千餘名同時進剿三方首惡眾悍巢固為各處逆苗所倚恃者俱已搗毀其附從黨羽皆知畏懼紛紛求請招安者不下數百寨 上以張廣泗辦理苗疆軍務以來一切調度俱合機宜其在事官弁兵丁奮勇戮力甚屬可嘉著詳記檔案俟事竣之日分別議叙又見在軍需未竣請撥銀八十萬兩來黔接濟 上命戶部即撥銀一百萬兩交與張廣泗料理動用丁未諭河東總河嗣後修築河南孟縣小金隄動支公項毋派民捐準噶爾丹策零遣使奉表貢方物壬子賜準噶爾使臣吹納木喀入覲癸丑西北兩路大兵凱撤酌留鄂爾坤及烏里雅蘇臺駐防兵丁召大將軍慶復回京派參贊大臣二員協同策凌辦事丙辰以西北兩路大兵漸撤軍需減省諭將京師及各省見開捐納事例一槩停止生童捐納一欸應停應留之處着漢九卿翰詹科道會同議奏尋議生童捐監係士子一進取之路順天鄉試例有南北監生定為四字號中式且游學隨官在京者亦得藉為應試之階應留戶部捐監一條各省一槩停止不令照前考職並請以每歲捐納之銀留為各省一時歲歉賑濟之用從之諭教職從乾隆元年春季始照各員品級給與全俸永著為例命乾隆元年二月鄉試迴避試卷另行考試取中庚申 上啟鑒謁 陵癸亥 上謁 昭西陵 孝陵 孝東陵 景陵同鑒是月經略張廣泗奏分剿新疆首逆各寨俱已搗毀各請招安俟辦理妥協即進攻高坡一

帶分兵部署大小丹江並八寨山苗等處二月丙寅 上還京師諭各省嗣後舉貢生員等舉行免派各差詔山東巡撫修理少昊陵帝堯廟及周公顏子曾子孟子等廟令內務府三旗照滿洲蒙古漢軍例各立米局備糴乙巳甘肅甘肅州涼州等府雍正十二年歉收且有牛疫該督撫未經奏報 上降旨切責議賑封理密親王允弼之子弘鵬孫永璣為輔國公命考設八旗廢員精於國語者充八旗滿洲教習庚午免宣化府門稅以口鹽歸張家口徵收壬申詔直

省生員監生年七十以上者優免一丁八十以上者給與八品頂戴封莊親王允祿之子弘普為貝子甲戌賞江南佐雜官養廉教陝西停禁商販俾屬民食有資遣準噶爾來使吹納木喀起程丁丑河南武陟縣木樂店沁河隄工每年派農夫修築以防水患里民按畝派錢約計二千四百餘兩頗為地方之累若設立長夫二十名歲支工食三百六十兩即可省民間二千餘金之幫貼因命傳諭河南總河白鍾山照此辦理每年應領工食即動豫省存公銀兩給發不得絲毫累民永著為例以士子入闈遇雨各賜銀三兩命福建額徵屯糧歸州縣徵收己卯賜準噶爾台吉噶爾丹策零敕書賜各色緞俱十端諭江南宿遷睢寧桃源三縣見存新淤涸復改科地糧額徵銀六千五百四兩全行豁免其雍正十三年游地未完錢糧亦免徵收至水沉地畝仍照例歸於每年冬勘奏未諭翰林撰擬王貝勒貝子冊文如朕叔朕兄等皆呼為爾某於朕敬長之意未符此心有所未安凡遇叔兄等皆當稱叔稱兄自弟姪以下則用爾字永著為例今宗人府查諸伯叔之子孫年未及封者挑在侍衛章京上行走甲申諭大學士嵇曾筠見為浙江巡撫著照從前李衛之例改為浙江總督兼管兩浙鹽政其管轄地方節制官弁等事悉照李衛前例行嵇曾筠既為浙江總督郝玉麟著以閩浙總督銜專管福建事務免河南祥符等四州縣雍正十二年民欠丁亥命候考博學鴻詞人員每名月給膏火銀四兩戊子尊 世宗憲皇帝陵曰 奉陵己丑諭各直省督撫無越次保題達賴喇嘛遣使貢方物優賚之壬辰諭貴州軍營員弁著照西北兩路軍營例自副將以下准張廣泗酌量題補准滿洲蒙古舉人補內閣中書雲貴總督尹繼善奏官兵攻克空碑台雄等寨經略張廣泗奏攻克大小丹江暨高坡山苗等處均得旨嘉獎三月乙未朔諭浙江紹興府屬山陰會稽蕭山餘姚上虞五縣沿江沿海隄岸工程附近里民按畝派錢之例即行停止其隄岸工程遇有應修段落著地方大員委員確估於存公項內動支銀兩興修報部覈銷永著為例丙申增設阿拉善山下滿洲牧廠庚子赦汪景琪查嗣庭兄弟族叔回籍給予告滿漢大學士及部院尚書金俸著為令乙巳加上 列祖

列后尊諡命鄂爾泰張廷玉等舉翰林科道部屬內品學兼優者考擢試差領十三經二十一史於各省會及府州縣學設臧克宗學覺羅學於丑命續修國史命鄂爾泰等取會試薦卷三十卷年老舉人試卷五卷准一體殿試乙卯諭廣東歸善海豐惠來潮陽四縣漁祖加徵之數悉予豁免仍照原額徵收其埠租一項亦著一體免徵丁巳宗人府議處果親王允禮於三月初一日 皇上親詣堂子安桿祭祀時託病不到應照例削去王爵奏入得旨允禮原應照所奏治罪但伊自辦理部務以來尚屬勤奮免其削去王爵將特恩賞給親王之雙俸裁去並將加給一倍親王之護衛官員及護軍馬甲撤回戊午命雲貴川廣福建舉人未經中式者著照雍正十一年例揀選頒 聖祖仁皇帝御製周易折中性理精義朱子全書 欽定尚書傳說彙纂詩經傳說彙纂春秋傳說彙纂儲於太學刊示諸生命修舜陵並設歷代帝王各陵陵戶主戌吏部議准御史鍾衡奏請加國子監從八品助教為從七品正九品學正從九品學錄為正八品正八品監丞加為正七品從八品博士加為從七品滿洲蒙古助教等缺品級均歸畫一從之癸亥諭提督總兵出境照例具題無許擅離汛守甲子張廣泗奏報合攻牛皮苗寨首逆就獲搜剿餘黨無算夏四月壬申授王常海蘭為參贊大臣協同額駙策凌辦事乙亥命保舉賢良方正丁丑諭山東泰安州香稅朕已降旨豁免近聞湖北太和山凡遠近進香者亦有香稅一項小民虔禮神明止應聽其自便不宜徵收香稅以滋擾累所有太和山香稅著照泰安州之例永行豁免命歸化城設立養濟院辛巳以貴州提督哈元生遲誤軍機命拏解來京裁直隸副總河以總督兼管河務壬午諭捐納候選之貢監舉人仍准鄉會試諭部員奉差學政開缺後仍准推升癸未命各部降革漢司員開復後准通算前俸戊子賜金德瑛等三百四十四人進士及第出身有差壬辰布魯克巴部諾顏林沁齊璽喇卜濟親至西藏恭請 聖安並貢方物恩賞有加癸巳免江南阜寧等州縣雍正十三年通賦吏部議准署湖廣總督邁柱奏湖南上崗下崗茅岡大剌等處改土歸流上下二崗請歸桑植縣轄大剌歸龍山縣轄茅岡歸永定縣轄從之五月辛丑命改進士單月選班銓選舉人停止山西巡察丁未命州縣修建六房公廨庚戌諭江南浙江大吏化導士民痛改奢靡積習免曾靜張熙親屬緣坐壬子命河南副總河移駐徐州暹羅國王參立拍照廣拍馬嚙六坤司尤提雅善挨表謝 欽賜扁額並貢方物賞賚有加諭蠲免地丁之年屯戶應納之糧草蠲免三分之一永著為例頒 聖祖仁皇帝御製律歷淵源於直省學宮書院命直省州縣門軍毋以里民充癸亥命科道內升外轉未得缺之先仍准食

俸辦事六月甲子朔加禮部堂官雙俸命各省提督總兵進京照督撫例不必赴部投文己已禁私造烏槍命修築貴州苗疆州縣城垣辛未定江南水利歲修甲戌頒工部見用營造官尺式於直省凡工程俱用部班乙亥革提督衙門白役己卯命大學士鄂爾泰等為總裁纂修三禮傳說並弛坊間刻文之禁癸未命給京員養廉銀乙酉禁百工當官貼費丁亥禁四川松潘各鎮將私斂番民辛卯命查勘江南江西被水村莊酌免本年額賦命直隸新舊營田歸州縣管理秋七月癸巳朔以黔苗擾害民多就食沅州諭免沅州本年額賦及耗羨甲午上以建儲一事國本攸繫循用

世宗成式親書密旨召總理事務王大臣親看宮中總管太監謹收藏於乾清宮正大光明扁額之後丁酉諭州縣查勘水旱雜費俱動用公帑毋許派累署甯古塔將軍都察議覆都統巴爾公條奏請裁伯都訥地方新設長甯縣所募民人附近歸永吉州安插其牛馬雜稅等項交副都統徵收從之己亥設秦陵官免貴州通省本年額賦及耗羨

設蘇州海防道專管海塘歲修及停稽查歸化城御史庚子申禁科場舞弊癸卯吏部議覆雲南巡撫張允隨奏請停老農總吏之例查歲舉老農給以八品頂戴所以勸民稼穡乃各州縣中往往有似農非農之輩覬覦儲峙職不法雍正七年改為三年一舉較前更難賄屬益甚請停止如果有務本力農者仍不時獎賞又定例州縣到任揀選殷實

老成書吏二人充錢糧總吏五年毫無虧空咨部以九品雜職即用雖為慎重倉庫其中縱容徇隱挾制夤緣之輩甚多請將總吏停止仍責成該管上司盤查再直隸州縣向設有提牢典史與總吏事同一例亦應停止從之甲辰建奉天府屬新設復州永吉南海義州四州縣文廟乙巳停庶吉士開列順天鄉試外嚴官戊申定五等世職漢文以精

奇尼哈番為子阿思哈尼哈番為男阿達哈哈番為輕車都尉拜他刺布勒勒哈番為騎都尉拖沙喇哈番為雲騎尉辛亥追謚明建文皇帝為恭閔惠皇帝甲寅減徵陝甘兩省雍正十三年未完耗羨乙卯命五城掩埋胥賂戊午給佐雜官雜任身故回籍路費給山西佐貳官養廉兼署者准支一半己未吏部議准湖南巡撫鍾保奏沅州地處邊隘最關

緊要今鎮道俱移駐鎮軍地方沅城內僅副將知州兩員似覺單薄請改沅州為府治附府設縣一附近沅州之黔陽麻陽二縣改歸知府轄從之庚申飭直省修文廟祭祀樂器辛酉准貢生酌補佐貳八月己巳諭福建台灣四縣丁銀悉照內地之例酌中減則每丁徵銀二錢以紓民力從乾隆元年為始永著為例減江南崑山新陽二縣浮糧諭浙省嚴所屯糧循照杭州前右二衛科則徵收以紓軍力永著為例遣官禁喀喇沁飢平卯免河南水城縣水災漕糧九

月丙申總理事務王大臣刑部議奏遵旨會審古州苗疆一案革職刑部尚書張照懷私挾詐擾亂軍機革職貴州提督哈元生親望遠遁失陷城寨均應擬斬監候革職胡廣提督董芳擅調官兵革職貴州巡撫元展成撫馭乖方均應僉妻發遣遠充軍革職副御史德希壽巧詐不實應枷號鞭責再張照德希壽糜費兵餉俟查明確數勒限嚴追奏入上命均從寬釋放至寅賞哈元生副將銜發往西路軍營効力戊申命董芳發往雲南以副將用張照在武英殿行走定披甲凌虐遣犯罪並免有職人員為奴士子命內閣翰林院精選本朝臣工奏疏入選諸臣內有素行端純者准入祀賢良祠云 御試博學鴻詞一百七十六員於保和殿追封黃氏格格為儀嬪庚申諭粵西武緣縣軍田舊額酌減每畝定以一錢徵收永著為例經略張廣泗奏清理內地熟苗情形自本年八月以來各路官兵暨各該地方文武員弁按剿查拿共斬獲逆苗一千三百八十餘級生擒苗犯並逆屬男婦二千四百餘名口見在新疆剿撫事宜俱已全竣所有餘地內孽惟附近八弓黃平一帶尚有十餘寨未盡清理者見有提督王無黨等在各該處清查辦理指日可竣得旨嘉獎冬十月壬戌至乙丑卿雲三見甲子向例外洋紅毛夾板船到廣時泊於黃埔地方起其所帶敵位然後交易俟交易事竣再行給還至輸稅之法每船按標頭徵銀二千兩左右再照則抽其貨物之稅近來夷人所帶敵位聽其安放船中而於額稅之外將伊所携置貨見銀另抽加一之稅名曰繳送均與舊例不符 上命該督查照舊例按數裁減並宣諭各夷人知之吏部議准雲貴總督尹繼善奏廣南為粵西交趾分界之區地方遼濶事務殷繁知府一員實難綜理請於廣南府添設附郭縣一其土富州錢糧仍歸土州經徵由府報解土同知知州二員仍屬府轄從之乙丑命廣東廣州等二府沿江建築石隄引見考取博學鴻詞劉綸等十五員劉綸潘安禮諸授為翰林院編修陳兆倫劉玉麟順檢討楊慶汪沈廷芳汪士庶吉士有差查照康熙年間一等授編修二等由科丙寅命纂修世宗之營周長發程德潤錢謙士瑞齊召南 庶吉士有差甲出身者授檢討未中舉者授庶吉士 世宗憲皇帝本紀丁卯命建綏遠城於歸化城東北大學士管川陝總督查即阿等奏陝省屯田更名地畝其額賦本重於民田雍正五年間前督臣岳鍾琪又請將通省之丁糧攤於通省之地糧其屯地畝每本色糧一石亦照民折銀一兩之例均戴丁銀一錢五分有奇以致屯吏百姓於正供外增派銀二萬四五千兩實為苦累請照甘省豁除屯丁之例辦理又督標火器營額兵一千名乃板於威長等州縣之屯丁每名每月止領餉銀七錢外皆屯民幫貼請照鎮標步兵之例召募領餉免其在屯衛提補從之戊辰裁陝西屯兵歸農命各省鄉試設內簾監試官卒未 世宗憲皇帝

梓宮發引 上奉 皇太后恭送至 泰陵啟鑒丙子 世宗憲皇帝梓宮至 泰陵敬奉 梓宮於 享殿丁丑行
奉安 享殿禮 上奉 皇太后回鑾戊寅 上詣怡親王 墓前奠酒庚辰 上恭奉 皇太后還宮辛巳增設江
南河兵戰糧茶米諭兩淮鹽商餽送公務薪水銀兩著永行停止至從前已庚兩綱未完公務薪水之項歷年已久著
悉行豁免甲申諭湖北江夏等十九州縣未經撥減之丁銀八千三百有奇自乾隆二年為始全行豁免戊子諭乾隆
二年甘肅錢糧全行豁免西安等屬額賦之半贈從祀 文廟之原任御史陸隴其為內閣學士兼禮部侍郎是
月經署張廣泗奏報軍務全竣應酌撤官兵並辭請都尉世職得旨此次平定逆苗實賴卿忠勇素著才智兼全用能
膚功克奏永靖妖氛了 皇考未了之聖心成青史難成之功業朕惟深慶得人豈宜賞罰倒置在卿責己之誠並非
掩飾而朕酬功之典自有權衡悅覽之題到仍有旨諭部又奏覆布政使馮光裕條奏苗疆事一役山通道一飭禁
師巫一從容化導以變苗習得旨料理俱屬妥協議論實皆公平至云使其漸染華風變為內地朕意千百年之貴州
總督皆似卿則千百年之久要長治皆可保若法待人行則不若仍其苗習而順導之使彼知有恩而不忍背有威而
不敢犯如是而已矣何像區區古州之苗盡歸王化然後成一道同風之盛哉十二月庚寅準噶爾台吉車林等內附
授車林為三等侍衛辛卯改湖北應陵鎮為宜昌鎮壬辰加尊 聖祖仁皇帝四太妃為壽祺皇貴妃 溫惠貴妃
順懿密妃 純裕勤妃廕事王奕清奏各部主事銓補壅滯宜酌量變通請以應用主事者或兼用同知或改用通判
下吏部議尋議覆凡廕生應得主事引見請旨如堪以外用者及保舉七品小京官歷俸已滿三年者並准以通判改
補中書科中書行人司行人大理寺評事太常寺博士尚止并用主事者准以同知兼用從之乙未 上恭奉 皇
太后移居壽康宮丙申諭四川各土司從乾隆二年為始交納馬價每兩裁減四兩止收銀八兩永著為例設四川救
生船隻甲辰除山西偏關等三汛兵廠馬夫徭銀壬子改直隸井田為屯莊分隸霸州固安防禦乙卯賜馬負書等九
十八人武進士及第出身有差已未免福建永安所福寧衛浮糧十二月庚申朔命常安管理北路糧餉辛酉除湖北
漢陽縣衝坳屯地及下稅地應攤丁銀乙丑改壽春協為鎮增翰林院滿講官二員丙寅總理北路糧餉辛酉除湖北
隆二年三月初五日 世宗憲皇帝升祔 太廟後謹遵兩朝舊制於夏至前敬選吉日恭奉 世宗憲皇帝配饗
園丘夏至配饗 方澤三年孟春上辛日配饗 大饗殿從之丁卯諭湖北鶴峯長樂二州縣見報成熟田畝即以原徵

秋糧銀九十六兩之數作為定額至雍正二十三年及乾隆元年共應徵秋糧銀二百八十八兩悉著寬免戊寅命科道等官不兼部務甲申命開濬毛城鋪引河是歲朝鮮南掌暹羅安南來貢

乾隆二年丁巳春正月癸巳給浙江佐雜官養廉銀以浙省差務繁多甲午諭台灣番黎所輸番餉照民丁之例其餘悉行裁減澎湖廳淡防廳丁銀改以臺灣四縣之例行免雍正十二年以前各省截漕應追行糧漕贈丙午釋王士俊回籍

庚戌諭雲南離京甚遠過青黃不接之處著疆吏即調劑奏聞癸丑免京師至易州七州縣乾隆二年額賦二月庚申停榜後保舉庶吉士及改用額外主事乙丑建歸化城丙寅安南國王黎維祐卒嗣子黎維禕遣使告哀附貢方物丁卯命親老改補人員應補日准通算前俸立河南南召縣學宮己巳上以登極詔內赦款奉行遲延特旨切責庚午

恭繕世宗憲皇帝上諭告成癸酉諭浙江溫州台州二衛見徵屯田銀查照杭州前石二衛科則例畫一徵收永著為例丁丑復命揀選下第舉人發本省以教職用戊寅遣翰林院侍讀嵩壽修撰陳俟冊封黎維禕為安南國王庚辰

孝敬憲皇后梓宮發引上恭送往泰陵啟鑒甲申孝敬憲皇后梓宮至泰陵上詣世宗憲皇帝享殿恭奠安奉孝敬憲皇后梓宮於享殿乙酉詣孝敬憲皇后梓宮前行暫安奉禮三月庚寅葬世宗憲皇帝於

泰陵孝敬憲皇后祔上回鑾壬辰上還京師癸巳世宗憲皇帝孝敬憲皇后升祔太廟丙申飭各直省增孤貧口糧遇閏加給革廣西桂林臨江二廠雜稅庚戌總理事務王大臣等奏歸化城改造新城去右衛僅二百

餘里無庸添設將軍請將右衛將軍移駐新城止添副都統二員仍留原處亦歸併將軍管轄從之丙辰命恩赦以前人犯情輕者均免捕緝是月湖南巡撫高其倬奏報湖南城步綏寧之兇猛蒲寅鳳老一等劫殺多案拒戕兵役今仍

出山戕害民人攻卡拒傷弁兵不法已極見在設法剿懲以除此害得旨此事汝於去年具奏時朕即諭以持重得體為要今既釀成事端而不可中止切莫又欲苟且完局以圖了事而傷國體也夏四月甲子以旱命刑部清理庶獄丙

寅世宗憲皇帝齊妃薨駕至五龍亭殯所奠酒戊辰命侍衛永興往河南松福往山東查勘旱灾己巳裁貴州清平等二十三處驛站免福建閩縣侯官二縣缺額銀米准包衣佐領管領與八旗聯姻甲戌祀天於園丘恭奉世

宗憲皇帝配享丙子諭傅爾丹陳泰兵鍾琪貽誤軍機罪無可貸我皇考念傅爾丹爾陳泰祖父俱有功勳而岳鍾琪

從前亦曾効力是以未將伊等正法朕仰體皇考聖心將來秋審時亦必不行勾決但前此用兵之際不便遽行釋

放今軍務已竣朕矜恤之意不忍使之久繫囹圄俱著寬釋令其自愧以畿輔缺雨免直隸今年額賦丁丑諭允祗允
禔前因獲罪削爵園禁論其獲罪原委並無屈抑之處但朕念伊等為天潢一派自加恩寬釋以來亦皆深知前非自
悔自艾安分家居未嘗生事今復加恩賜給伊等公爵空銜不必貪俸仍令在家居住其各安靜守法以副朕篤厚宗
支之意免雲南乾隆元年帶徵秋糧庚辰武都等族番民改土歸流總理事務王大臣等議覆據定邊左副將軍額駙
策凌奏貝勒青滾離卜報三月初十日噶爾丹策凌遣人送還去秋被掠津巴鄂羅斯且有致車臣汗等書書中所言
仍欲得阿爾台似應覆與一書等語臣等觀準夷此舉大有窮蹙向化之意但阿爾台斷不可與前此赦書業已詳備
毋庸再給應令額駙策凌作書答之臣等恭擬呈覽從之擬書曰固倫額駙策凌致書準噶爾台吉今年四月津巴來
得台吉書云我欲取阿爾台台吉尚未晚 大皇帝之意我果有取阿爾台之心大兵豈肯盡撤我撤大兵即可知
大皇帝之意阿爾台乃天定交界爾父渾台吉時阿爾台以南原無厄魯特游牧自滅噶爾丹博什克圖以來我等建
城駐兵其地眾所共知其不令爾游牧者原欲以阿爾台為閒地兩不相取彼此隔遠庶永相和好不起爭端耳今台
吉反云難以相讓給試思阿爾台果係誰地誰能讓給 大皇帝據理諭爾剖斷甚明台吉尚爾飾說是不顧息眾生
也論說滋多空勞往返總之阿爾台可以給爾與否台吉宜再詳思不可偏執利己之見又謂偏處則有害我等游牧
彼此相持誰受其害尚在未定 大皇帝洞鑒留作隙地正欲廣教安民台吉若欲如前者首禍興兵是勞苦眾生皆
爾之故於我無涉來書又言興兵構怨遠亦可至我 大皇帝諭令分畫疆界原欲爾我自息兵爾誠遵旨定議我
兵亦不為禍始亦不復向科布多居住爾復造謠端我惟坐待其來並不煩內地兵惟盡我喀爾喀之力上報主
恩孰是孰非孰好生孰不好生自有天鑒我部惟體 大皇帝仁育之心防邊居守弗為禍始勞苦士馬而已台吉其
知之又謂我卡倫逼近阿爾台故爾生疑擒此二人自今卡倫宜向內撤按我等見在卡倫乃 聖祖仁皇帝時設立
至今並未外移即議定界卡倫豈可不立今欲令我內撤是強以難行之事也又謂毋近阿爾台游牧或致生事台吉
果遵 大皇帝諭旨止議定界於理甚合於爾亦無甚難行今反言生事是猶意在興兵也惟末云當告知部院大臣
奏聞 大皇帝以廣黃教以安眾生知台吉雖多飾詞仍意在求和耳我已舉大略奏聞欽奉 大皇帝諭旨噶爾丹策
零遣吹納木喀來時諸事俱經降旨曉諭何彼尚未深悉朕意復既行文於爾爾可再以朕諭曉諭之書呈台吉其詳

審是非利害遣使達誠如爾難於遣使我當代奏令爾使赴京共成和好若仍牽率借端於事何益癸未諭革閩省澎湖提督衙門陋規丁亥除廣東雲南雜稅是月刑部左侍郎劉統勳奏浙省海塘工程惟朱軾所建五百丈至今堅固其餘舊塘俱難經久至於堵築尖山開它引河費用浩繁成功難必此督臣嵇曾筠所以專主建築魚鱗大石塘之議也我皇上不惜百萬帑金以衛浙民田廬今歲北岸海沙漸漲南岸江溜漸通可望成功海甯城南石塘五百丈見已完竣密籤長椿平鋪巨石灌以米汁灰漿釦以鐵釘鐵鍋後來工程若始終如一可保永遠無慮查向來保固之法於塘外籤椿石層累而上作為坡陀之形名為坦水此項工程在今日有不得不修之勢計海塘與河工形勢迥不相侔河工有應築應開應濬之不同即有不得不築必不可築之異海塘之內皆屬寸土寸金之地一有衝決民命攸關且雨水一入數年之內必致顆粒無收既議築塘捍禦自不容有兩歧之議此實在情形也報聞五月戊子湖減山西太谷等十一州縣屯田額賦已丑諭福建寧洋壽寧二縣丁銀照中則每丁徵收二錢其餘盡行寬免辛卯賜于敏中等三百二十四人進士及第出身有差癸巳命京城四鄉設廠平糶甲午遣發人犯妻子回籍戊戌御試翰林詹事等官擢陳大受等三員為一等餘升黜留館有差准本年新進士條奏地方利弊庚子諭南書房武英殿翰林編纂農書庚戌停止滿洲庶吉士習清書之例辛亥祭地於方澤恭奉世宗憲皇帝配享命各關遇歉歲免收米稅除廣東開建恩平二縣米稅乙卯除湖南雜稅六月乙未上念農桑為國家本務命直省疆吏倣周禮遂師之制州縣量設熟諳農務者董勸士戍裁廣西雜稅甲子命設明惠帝神牌於明太祖神牌之次己巳裁湖北雜稅免江南康熙五十二年至雍正十二年未完民欠命江西開爐鑄錢辛未京師雨是月署陝西巡撫崔紀奏農以水利為要陝屬地方農民待澤於天遇旱即束手無策晉省蒲屬五邑及陝省富平蒲城二縣井利頗多擬更為推廣除延安榆林二府邠廊綏德三府所屬地土高厚不能鑿井外其餘西安同州鳳翔漢中四府並商乾興安三州可鑿之地甚多見在民間亦有行者今據各屬報到西安府屬可鑿井者共田三千一百餘頃同州府屬可鑿井者共田六百五十五頃乾州武功縣可鑿井者共一百十餘村落又漢中九屬渠水最盛半係稻田可鑿井者十分之二仰冀恩准將地丁耗羨銀兩供給無力貧民以資鑿井之費分三年清還開井之後並請免其以水田升科得旨此係極應行之美舉但須徐徐化導又必實力奉行方於民生有益朕自然不照水田升科也秋七月戊子以渾河水發派侍衛策楞五十七等各帶

銀二千兩分往廬溝橋良鄉撫恤辛卯以裁缺長甯縣民戶地畝徵收審驗等事改設州同一仍隸永吉州管轄癸巳命侍衛松福等各帶銀二千兩往文安霸州等處撫恤乙未以永定河隄工衝決命協辦吏部尚書事顧琮前往會同李衛劉勳籌畫辦理丙申減廣西土司貢馬折價餉銀四川減四命再撥庫銀三千兩撫恤良鄉丁酉命直隸山西熱河等處邊外地畝改徵本色戊戌諭部院會議事件聲明主臺衙門壬寅御試續到博學鴻詞於體仁閣授萬松齡張漢為翰林院檢討朱銓洪世澤為翰林庶吉院士壬子增築江南山陽等五州縣隄工八月己未湖南巡撫高其倬奏擒獲城步等縣兇犯在事官弁賞卹有差壬戌命巡漕御史四員分駐淮安濟甯天津通州癸亥給遞解人犯口糧乙丑命河南永城等十九州縣改徵折色銀兩甲戌命大學士鄂爾泰詳勘直隸河道水利壬午復設貴州威寧鎮總兵官築浙江魚鱗大石海塘貴州總督張廣泗奏遵旨籌畫苗疆業將叛苗絕戶田產安設屯軍並查餘苗見種之田凡攬入絕田內者令指明邱段撥歸屯軍另查閒田給還苗人其有應遷移者均飭令承辦官量給銀米以資其費此清出叛苗絕產分布安屯其應設屯堡一百餘處亦皆形勢扼要若去營汛稍遠不宜安屯者皆撥還苗人並賞無業窮苗並未當如尚書顧琮所奏於深山邃谷招募屯田盡奪生苗衣食之地也見細察苗人無不悔過自新及時耕作前經奏請添兵三千餘名今查出田畝又可安屯軍一萬餘名分布險要於經久之計已屬萬全得旨苗疆經此一番料理自必有數十年之安靜無事然經久之計不可不圖而用人之際尤所當慎不然法雖良而無人經理所謂徒法不能以自行也尋以此舉尚未妥協馳諭停止之九月戊子給順天府府丞以下官養廉辛卯以大挑運河淮安等府屬漕糧准改徵折色給江蘇蘇州等衛所養廉癸巳命河南山東河兵樁手准食戰糧丙申除雲南陸涼州旱馬廠瘠地額賦減水馬廠魚課諭朕祇紹先猷美牆念切思國子監為首善觀瞻之地辟廋規制宜加崇飾大成門大成殿着用黃瓦崇聖祠着用綠瓦以昭展敬至意丁酉頒聖祖仁皇帝御製文集世宗憲皇帝硃批上諭御製樂善堂集於官學庚子除江西豐城縣每年增修江隄捐項戊申命直隸籌補倉糧己酉命江蘇揚州等六府州屬夏麥改徵米石庚戌定滿州郎中保送道員例辛亥命州縣以下官養廉就近坐支癸丑免雲南安寧州乾隆元年夏稅除甘肅河西等三府州縣衛馬糧閏九月丙辰朔除江南高郵等五州縣隄房屋租嗣後禁止增建戊午濬直隸涿水縣拒馬河乙丑定八旗武職年老休致酌給全俸半俸例命福建酌賞浙江教習蠶戶養贍田畝己巳命培養直隸

清河堤岸庚午 上以沿海地方常有外國船隻遭風颶至境內者外邦民人既到中華豈可令其失所因諭督撫督

率有司加意撫恤動用存公銀兩賞給衣糧修理舟楫並將貨物查還遣歸本國永著為例壬申除江西袁州饒州二府雜稅減南昌等三十二縣茶課己卯命修永定河隄壩築江南碭山縣毛城鋪減水壩壬午賜哈攀龍等一百七人

武進士及第出身有差冬十月乙酉朔復元儒吳澄從祀 文廟丁亥諭浙江嚴州府桐廬縣屬官抄秋租二項額徵

條銀從戊午年為始減去浮多之數照民產例徵收戊子 上以馬蘭峪 陵寢工竣 躬親展謁啟鑒己丑命山東

濟陽等十六州縣兩次被災地方改徵折色辛卯 上詣 昭西陵 孝陵 孝東陵 景陵行禮壬辰祭 景陵回

鑾丙申除福建南平縣浮冒丁銀丁酉免雲南新關夷疆借給墾荒銀兩甲辰命水師毋輕調陸路乙巳減江西南昌

等七州縣浮糧庚戌命清理馬政貴州總督張廣泗再奏苗疆安頓情形得旨據卿前摺奏陳已交王大臣議行矣此

旨或改行頒發或無庸頒發之處卿於被案議覆歸結可也卿既熟悉苗情又屢經籌度且以身家相保朕自然聽卿

料理至陞見之時尚早以苗疆甫定須卿彈壓卿其候旨可也十一月己未撥通倉米六萬石備近京東北州縣冬賑

庚申減免江南蘇州松江二府浮糧免額銀主戌命裁八旗官米局嚴禁鋪戶囤積命額駙策及護送準噶爾夷使

來京以海蘭署理副將軍戊辰 上以三年服闋恭謁 泰陵啟鑒辛未 上謁 泰陵命增熱河駐防兵丁改總管

為副都統免江南銅山碭山二縣通賦壬申祭告 泰陵 上釋服回鑾乙亥 上還宮庚辰命增七政時憲書莊親

王允祿等辭免總理事務免山西興縣等四州縣旱災丁銀辛巳除山東商河縣鰥寡荒地徵銀並雍正十三年乾隆

元年通賦壬午諭翰林坊缺仍帶俸深編修檢討二十員引見癸未諭朕御門聽政之時翰林院修撰編檢與科道一

同侍班翰林班次在科道之上科道懸帶數珠而翰林未有定制朕思侍從之臣理應畫一嗣後修撰編檢亦著一體

懸帶數珠以肅朝儀除山東德州蓬萊等州衛雜稅增熱河副將以下員升湖南巡撫高其倬奏報收成分數得旨語

云湖南熟天下足朕惟有額手稱慶耳十二月甲申朔免直隸大興等七州縣八旗餘絕地畝乾隆元年額賦十分之

三丙戌改內閣典籍為七品官丁亥 上御太和殿冊立 嫡妃富察氏為 皇后封高佳氏為 貴妃那拉氏為

嫺妃蘇佳氏為 純妃金嘉氏為 嘉嬪庚寅命江西瀘溪縣漕糧改徵折色壬辰命嗣後御殿大學士於殿內賜茶

甲午以冊立 皇后禮成加上 皇太后徽號曰 崇慶慈宣皇太后除江蘇鹽城阜寧二縣濱河地糧丁酉特准八

旗另戶兵丁考試繙繹一次命官員准丁本生父母憂一年追封 皇后之父李榮保為一等公以其子傅文承襲一等侯己亥命江南贛榆沐陽二縣漕糧改徵折色庚子議叙總理事務王大臣莊親王允祿果親王允禮各賞給一鎮國公平郡王福彭賞給奉國將軍大學士鄂爾泰張廷玉各賞給一騎都尉大學士徐本尚書訥親海望各賞給一雲騎尉世職追復誠郡王允祉原封諡曰隱追賜親曾祖額亦都已圖魯雲騎尉士寅以莊親王姪寧和襲封鎮國公平郡王弟福靖襲封奉國將軍癸卯諭大學士張廷玉在內廷宣力多年輔弼贊襄勤勞著朕之視大學士鄂爾泰張廷王一切恩眷均屬一體今大學士鄂爾泰因賞給騎都尉已由一等子照例歸併授為三等伯張廷玉亦著加恩由三等子從優授為三等伯仍著伊子張若霽承襲是歲朝鮮琉球安南南掌來貢

乾隆三年戊子春正月戊午宗人府王等遵旨議奏 皇上伯叔輩王貝勒等子女兄弟輩王等子女至十五歲請旨其餘宗室子女特旨指婚者令候旨行餘酌量及時婚嫁應得品級該部照例奏給從之辛酉祈穀於 上帝恭奉

世宗憲皇帝配享諭各省解京餉銀從乾隆三年為始將減半平餘銀兩一概停其解部即存貯本省司庫遇有地方荒歉及裨益民生之要務確應賑恤辦理者即將此項奏明動用報部查覈申子 上幸圓明園奉 皇太后居暢春

園凡慶節恭迎 皇太后御長春仙館以為例乙亥諭湖北忠崗等土司查明成熟田地即照原額秋糧銀七十三兩六錢四分之數按田分派作為定額至乾隆元年未完秋糧一併豁免遣散秩大臣祥泰內閣學士岱奇冊封朝鮮國

王李昫子愷為世子準爾噶使臣達什等奉表至京隨表進貂皮三十一張 上閱其奏疏詞意恭順知其事有易竟之機若遣使齋敕前往與議界事當可完給命侍郎阿克敦充正使御前三等侍衛旺扎爾乾清門頭等台吉額默根

充副使將應議事件皆明悉曉諭之即與準爾噶來使一同起程二月癸未朔果親王薨 上詣王邸第賜奠 尋予加立碑建坊 乙酉奉 皇太后懿旨以皇六弟弘瞻為果親王嗣襲其封丙戌額納特珂克部落拉達克汗德忠那木札

爾進表貢物交駐藏大臣侍郎杭奕祿等轉奏命賜德忠那木札爾敕書一道加賞段匹甕器有差丁亥釋奠 先師孔子三廟 御書扁額 大成殿壬辰命湖南平江縣漕糧改徵折色命修山海關邊牆甲午 上御正大光明

殿噶爾丹策零使臣達什博濟爾入覲賜達什等銀兩段布有差乙未 上啟鑒謁 泰陵戊戌 上謁 泰陵命公庶旗地准民人置買己亥祭 泰陵回鑾壬寅 上還京師乙巳諭各省常平社倉歉收借領免息著為令丙午 上